



# DEO OPTIMO MAX. UNI ET TRINO,

VIRGINI DEI - PARÆ, ET S. LUCÆ  
Orthodoxorum Medicorum Patrono.

## QUÆSTIO MEDICO - CHIRURGICA,

*QUOD LIBETARIIS DISPUTATIONIBUS,  
manè discutienda, in Scholis Medicorum, die Martis decimâ-Octavâ  
mensis Aprilis, anno Domini M. DCC. LII.*

M. JOANNE-CLAUDIO-ADRIANO HELVETIUS,  
Regi à Sanctoribus Consiliis, Regina Medico Primario & Re-  
giæ Scientiarum Academiae Socio, Doctore Medico, Præside.

*An Ossa prope Articulum fracta, post Calli generis, leni motu exercenda?*

### I.



**N**ATURAM omnibus providentem, medentemque primariè morbis, veteres agnoverunt Medici, confirmarunt recentiorum observationes. Hujus autem dogmatis nullum certius exhibetur specimen, quam in Chirurgicis, quæ cum oculis subjiciantur fidelibus, facilem manibus permittunt accessum. In his etenim sive corporis cujusdam solidi vel fluidi præternaturalis noxas prævertere opus sit, illudque foras eliminare, sive partes discissas ac disrumpas adunare, vel præter modum coalitas disjungere, aut extra morem auctas refecare, quis unquam his in artibus maximum & præcipuum naturæ locum denegaverit? Nec tamen idcirco quidquam Chirurgicam artem vellere videamur, quæ ab antiquis inventa Medicis & sagaciter excolta, ab horum vestigia prementibus neotericis utiliter elaborata est, & ulterius perficitur. Si enim sola natura miracula aliquando absque artis ope edere visa fuerit, scimus etiam solos illius natus inutiles persæpe fuisse, & multis in casibus industriæ manûs auxilio destitutos salutarem non attigisse scopum. Quid igitur frugi præstare solet ars? Quinam suam confert symbolam? In eo totam esse rectè affirmaveris ut naturæ conatibus attentè & sagaciter consulens, iis semper & ubique saveat, Quantâ ergo solertiâ, quantâ sagacitate naturæ ordo sit investigandus, hinc vel maximè patet, ne scilicet inutili aut præposterâ medicationis arte, irrita imò noxia reddantur illius conamina. Hoc porro

A

locum obtinet in fracturis, quarum cura varias exposulat methodos, pro indolis ac symptomatum diversitate. Periculosa eam esse speciem quæ prope articulum contingit nemo sanè dissitebitur, qui ab eâ metuendum articuli rigorem & motûs amissionem agnoverit. Huic autem fracturæ speciei dicatam ἐν Χειρὸν quis adstruet, nisi prius ossium naturam, crescendi modum, & calli γένεσιν apprimè noverit.

## I I.

**O**SSA, partes corporis durissimæ, solidissimæ, sensûs expertes, cæterarum basis ac fulcrumentum, non minus peculiarem sibi vindicant fabricam, ac cætera corporis organa. Horum substantiam constituunt lamellæ numerosæ aliæ aliis superpositæ quas numero plurimas observare licet in ossibus diu ab aere exsiccatis. Hæ lamellæ texuntur fibris satis conspicuis quæ componuntur terreis partibus interposito glutine viscoso eoque indurato stricte adunatis. In ossibus verò longis, de quibus hic peculiariter sermo, quædam veniunt notanda. Pars media multò gracilior lamellis constat densissimis artissime junctis, unde maximum illius robur. Intus canalis est fermè cylindraceus tenui obvestitus membranâ, medullam in vesiculis asservatam continens. In ossis autem substantiâ innumerosi adsunt pori, iique duplicis generis, quos primùm descripsit *Clopton Havers* (a). Quidam enim secundùm ossis longitudinem parallelo lamellis ossis ductu inter eas serpunt, dum alii his perpendiculares lamellas ossis directe perforant. Sic per huiusmodi tortuosos anfractus oleum medullare omnibus sensim distribuitur ossium partibus, horumque medendo ariditati fragilitatem avertit. Ubi verò à mediâ ossis parte recedunt lamellæ ossæ, tum laxius coherent, nec jam se tangunt, versus latera expanduntur, fibras hinc & inde ad invicem mittunt, ex quibus nascuntur cellulæ plurimæ, subtili obductæ membranâ oleo medullari refertæ. In ossium capitibus textum illud spongiosum paulo densiori obducitur ossæ crustulâ, in cuius externâ superficie cavitates & eminentiæ quædam aspicuntur ad articulationis usum efformatæ. In ipsomet autem articulo, præter capsulam articuli, cartilagineas intermedias, & ligamenta quædam quæ alicubi occurrunt, nonnullæ aspicuntur glandulæ à *Cloptone Havers* (b) primùm detectæ. Tenuem hæ glandulâ fecerunt mucilaginem quæ cum oleo medullari poros osses penetrante permixta ossium superficies lubricat & à fervore per attritum oriundo defendit. Est etiam peculiare ossibus involutum quod proprio nomine Periosteum vocant. Membrana est crassa valida, tendinæ indolis, exquisiti sensûs, in plures dividenda lamellæ. Polita ipsi est exterior superficies: interior verò quæ externæ ossium superficiei arcte hæret, sulcos habet à prominentibus ossium fibris excavatos. Fibrarum quibus componitur fasciculis non eadem est directio: sed aliæ longitudinem ossis servant, aliæ obliqui in omnem sensum ductibus mirè intertextuntur, quod sit maximè quâ parte tendines & ligamenta ossibus inseruntur. Nec solam mediam ossium partem involvit hæc membrana sed etiam ligamentorum capsulam investit, & ipsamet articuli cartilago quædam videtur esse periostei expansio. Sic in rachiticis quâ parte præter naturam sese tangunt ossa, ibi album, durum, densum, uno verbo verè cartilagineum efficitur periosteum (c).

## I I I.

**O**SSIUM originem obscura premit caligo. Neque enim facilè explicandum qua ratione ex pulpâ molli & mucilaginosa partes adeò densæ provenerint. Scimus duntaxat cartilagineas prius fuisse, nec nisi successivis indurationis gradibus tantam adeptas esse soliditatem. Sic nempe in tenerrimo embryone vix quidquam ossium deprehenditur: sed ubique molles & flexiles occurrunt cartilaginee. At verò certiora nobis prælucent circâ ossium accretionem. Eam à solo periosteo repetendam esse invenit D. Duhamel, & pulcherrimis comprobavit experimentis (d). Si enim animalium, gallorum v. g. gallinaceorum cibo permisceas Rubiæ Tinctorum radicem (cui singularis inest proprietates ossibus rubrum impertiri colorem) & dein iisdem per paucos dies absque rubiâ solitam concedas escam, sicque sæpius repetendo, in horum dissecis cadaveribus ossa plures ostendent lamellas rubro & albo colore alternatim distinctas. In junioribus etiam sæpissimè ob-

(a) Obs. de Oss. fecm. 1. sup. 4. §. 34.

(b) Ibid. ser. 4. cap. 1.

(c) & Vid. Mor. ac Reg. Par. ann. 1741. 7743.

(d) Vid. Mor. ac Reg. Par. ann. 1741. 7743.

3  
 fervare licet in quibusdam partibus, ac præcipuè in costis lamellas periostei alterâ parte membraneas, alterâ osseas. Has si vi ab ossis corpore extrahere velis, avellentur simul ossæ fibræ plurimæ cum membraneis omninò continuæ. Verum quidem est primis à natiuitate temporibus medullosum dilatari canalem (cujus expansionis & tempus & normam vid. apud laud. Auct.) quod fieri sanè nequit nisi ab admissio in ossearum fibrarum adhucdum mollium interstitiis succo nutritio; sed brevi debitas acquirit diametrum; certissimumque nihilominus est ossa præcipuam ab apposis successivè periostei laminis acquisivisse crassitiem.

Quâ verò mechanicâ ossa pars effingitur, eadem læsa reparatur. Simul ac ruptum est os, statim inflammatur periosteum ut pote exquisitissimo donatum sensu; multum tumescunt & attolluntur ipsius laminulæ; indurantur, cartilagineam adipiscuntur indolem; tandemque ossæ penitus factæ ossium fractas partes firmant ac stringunt. Si namque fracta olim ossa per longitudinem ferrâ diviseris, in plurimis sæpius invenies hiantem adhuc in medio ossis rimam circulo osseo exteriori coopertam. Quid si in quibusdam haud adeo certum remanet fracturæ vestigium, ne ideo succi nutritii effusionem accuses. Tenuis eremim fibræ ab externo periosteo propagatæ & cum similibus ab interno pariter ortis conjunctæ spatiolum exsiccatione suâ prorsus replerunt. Hinc patet quàm verum sit Divi senis effatum, licet à plerisque recentioribus explosum fuerit, *ubi dissecitum fuerit os . . . neque augetur neque coalescit* (b), quod apertius declarat Galenus \*.

(b) Aphorif.  
 Sect. VI. 19.  
 & Sect. VII. 28.

#### I V.

**FRACTURAM** quæ propè articulum contingit, funestum sortiri exitum tristis loquitur experientia, docet ratiocinium. Licet enim callus hæc in parte non difficilîus firmaretur ac in cæteris, licet omnibus prospexissent Medici sagacitas, Chirurgi industria, brevi tamen dum perfecta ossis consolidatio beare vota videbitur, pejor aderit morbus, nempe articuli rigor & immobilitas, seu *ankylosis*. Irritato enim periosteo in eo loco ubi fracturæ directè superjacet, debuit necessariò, non ibi tantum, sed & in vicinis inflammari partibus. Cum ergo osseus evaserit qui fracturam proximè ambit periostei circulus, jam adeo indurata erunt vicinæ partes, ut omnem articuli capsulam constringendo illius motum impediant. Extensionem etiam membri prohibebunt muscoli ab irritatione tendinum contracti \*\*. Aliunde verò viscosus ille liquor à glandulis mucilaginis secretus ex morâ nimiam adeptus spissitudinem lubricandis articuli superficiebus erit inhabilis. Quin & erit periculum ne exsiccatione suâ extrema ossium prorsus consolidet. Quisnam ergo expectari poterit motus ab aridis & proprio rore defraudatis articuli capsulâ & ligamentis, cum tot funestæ obijciantur impedimenta? Hæc proinde removere morâ omni rejectâ sedulo curet Medicus. Statim igitur atque firmatus fuerit callus, huc respiciat omnis curatio, ut leniantur irritatæ partes, exsiccata & indurari inchoata humectentur & emolliantur, resolvantur autem & discutiantur humorum stagnationes. Has indicationes explebunt fomenta cum aquâ tepidâ, oleis emollientibus & paululùm aromaticis. Utiliter etiam adhibebuntur adipēs & unguenta nervina. At verò ut efficacius hæc agant remedia, leni motu sollicitandum erit in articulo membrum. Quemadmodum enim longa quies quæ ad calli firmitatem requirebatur, rigorem in articulo ex parte procreavit, ita huic tollendo motu placido nil præstantius. Hujus ut & prædictorum emollientium protracto usu, indurata periostei membrana sensim relaxabitur, minisque articulum

\* Videre autem licet in aliis animalibus comminuta ossa non omnino coalescere . . . si quando invenies, invenies autem sæpè, quemadmodum & nos, fracturæ oras callo inter se glutinatas, ubi hoc tibi cura sit, callum deradens conspicias fracturæ oras se contingere, non tamen coaluisse soliditateque esse eo modo, quo in vulneribus glutinata caro coalescit. Gal. Comm. 1. ad lib. Hipp. de Frac. Chart. Tom. XII. Text. 51.

\*\* A contractis musculis tibiæ post morbum acu-

tum, ankylosis spuria quamdam speciem observavit PATER meus optimus, in quâ flexa tibiæ rigens articulus agro, five dum stare, five dum ambulare fulcris innixus, multo magis cum extendi cogeretur membrum, dolores procreabat adeo atroces, ut jam ad femoris resectionem, ramquam spem unicam, sese accingerent manu petitores. Sanavi hominem balneo, emollientibus & aromaticis. Vid. Mon. Ac. Reg. Par. an. 1728.

à liberâ motione prohibebit. Leniti pariter & emollii tendines docilius extensionem admittent. Diluetur etiam & fluxilis reddetur quæ inspissari jam cœperat mucilago. Inungendis ossium superficiebus aptior evadet, aut si peccet copiâ ab hiantibus venarum osculis facilius excipietur. Tenuissimæ autem illæ mucilagines glandulæ à longiori membri quiete compressæ ferèque obstructæ sua liberius subibunt munia, sanguinem uberius appllentem combibent, mucosum liquorem majori fecerunt copiâ, unde major ad motum habilitas. Quod si his frustra tentatis, tamen ad vota non succederet curatio, confugiendum erit ad Aquas Thermales, quales præ cæteris excellunt *Barregiana*. In his quotidie & diu detinenda erit affecta pars; in usum vocabuntur utilissimè harum *Ducia*, ut & lutorum applicatio. At simul leniter huc illuc flectendo rigida pars agitabitur; sic enim cætera remedia majori pollebunt virtute, sic melius ligamentorum relaxationem metiri & obtinere poteris.

V

**A**T, inquires, ab illo motu ingens imminet periculum, ne scilicet nocivus provocetur dolor, irriterur graviter coactâ extensione tendines, recens firmatus rumpatur callus. Sed quis hæc arcesset mala, nisi rudis & malè cautus? Non enim prescribimus ut durâ tractatione ac violento impetu flectatur aut extendatur subito membrum. Sensum assuefacienda est natura remedio, (a) quod, enim, paulatim fit, tutum est. Minimè proinde errabit qui membrum placide & lento gradu circumrotabit. Parva primis diebus sufficiet extensio; sequentibus verò absque periculo augebitur. Ne quid præterea recens firmatum os rumpi periclitetur, vetant emollientia & nervina medicamina, quibus assidue duratam partem ungi volumus; emolliat enim & lubricat partes longè facilius obedient motui. Sic ab horum medicaminum utili consortio, longè major singulorum efficacia. Objici forsan poterit inopportunam esse morbi cum jam invaluerit curationem, eam præstare quæ principiis obstat medelam, neque ad præoccupandam ankylosem expectandum esse donec firmatus fuerit callus. Utinam sanè adeo efficax daretur Medicina! Fatemur quidem ab initio curationis utiliter adhiberi posse prædicta emollientia; sed hæc ad præveniendam ankylosem parum valere quotidiana docet experientia. Quid igitur? An membrum statim post fracturam movere non dubites? Sed brevè dissiliens ossis fragmenta non sine magno dolore rursus componenda, præter modum inflammabitur periosæum jam à fracturâ irritatum, distrahentur cum acri molestiâ tendines, longa mora necetur ossis consolidationi. Tutius itaque est in eodem situ fractum os servare, ut firmior habeatur callus; & si qua in articulo succedit nullâ arte vitanda ankylosis, postquam os omnino conserbuerit præscriptis remediis curare.

*Ergo Ossa prope Articulum fracta, post Calli formationem, leni motu exercenda.*

#### DOMINI DOCTORES DISPUTATURI.

*M. Anna-Carolus Lorry.*

*M. Dionysius Pantier de La-  
brenille.*

*M. Claudius - Carolus de  
Jean.*

*M. Bernardus-Nicolaus Ber-  
trand, Scholarum Profes-  
sor designatus.*

*M. Jacobus - Laurentius  
Mauroy.*

*M. Franciscus-Felicitas Co-  
chu.*

*M. Stephanus - Ludovicus  
Geoffroy.*

*M. Natalis-Andreas-Joan-  
nes-Baptista Chesneau.*

*M. Joannes de Dieß.*

Proponebat Parisiis PETRUS-LUDOVICUS-MARIA MALOËT, Parisi-  
nus, Saluberrimæ Facultatis Medicinæ Parisiensis Baccalaureus, Theses Auctor,

A. R. S. H. 1752, A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1752.

(a) Hipp.  
Aphorif. sect.  
3a. 32a.